

唐李長吉詩集三卷

唐隴西李賀長吉公著

昌谷讀書示巴童

蟲響燈光薄  
霄寒藥氣濃  
君憐垂翅客  
辛苦尚相從

巴童荅

巨鼻宜山褐  
龐眉入苦吟  
非君唱樂府  
誰識怨秋深

代崔家送客

行蓋柳烟下馬蹄白翩翩恐隨送處盡何忍  
重楊鞭

出城

雪下桂花稀啼鳥被彈歸關水乘驢影秦風  
帽帶垂入鄉試萬里無印自堪悲卿卿忍相  
問鏡中霞泪姿

莫種樹

園中莫種樹種樹四時愁獨睡南牀月令秋  
侶去秋

將發

東牀卷席罷護落將行去秋白遙遙空日滿  
門前路

追賦畫江潭苑

吳苑曉蒼蒼宮衣水濺黃小鬟紅粉薄騎馬  
珮珠長路指臺城迥羅薰袴褶香行雲霽翠



輦今日侶襄王

其二

寶秣菊衣單蕉花密露寒水光蘭澤葉重帶  
剪刀錢角暖盤多易靴長上馬難泪痕露寢  
帳勻粉照金鞍

其三

剪翅小鷹斜緇根玉鏃花鞦垂粧鈿粟箭箠  
釘文牙鬻鬻啼深竹鷓鴣老濕沙官官燒蠟

火飛燼汚鉛華

其四

十騎簇芙蓉宮衣小隊紅練香燠宋鵲尋箭  
踏盧龍旗濕金鈴重霜乾玉鐙空今朝畫眉  
早不待景陽鍾

潞州張大宅病酒遇江使寄上十四兄  
秋至昭關後當知趙國寒繫書隨短羽寫恨  
破長牋病客眠清曉踈桐墜綠鮮城鷓蹄粉



堞軍吹壓蘆烟岸幘褰紗幌枯塘卧折蓮木  
牕銀跡畫石磴水痕錢旅酒侵愁肺離歌繞  
懦絃詩封兩條汨露折一枝蘭莎老沙鷄泣  
松乾瓦獸殘覺騎燕地馬夢載楚溪船椒桂  
傾長席鱸魴斫玳筵豈能忘舊路江島滯佳  
年

難忘曲

夾道開洞門弱楊低畫戟簾影竹華起簫聲

吹日色蜂語繞粧鏡拂蛾學春碧亂繫丁香  
稍滿欄花向夕

賈公閭貴婿曲

朝衣不須長分花對袍縫嚶嚶白馬來滿腦  
黃金重今朝香氣苦珊瑚澁難枕且耍弄風  
人暖蒲沙上飲燕語踏簾鉤日虹屏中碧潘  
令在河陽無人死芳色

夜飲朝眠曲



觴酣出座東方高腰橫半解星勞勞柳苑鴉  
啼公主醉薄露壓花蕙蘭氣玉轉濕絲牽曉  
水熟粉生香琅玕紫夜飲朝眠斷無事楚羅  
之幃臥皇子

王濬墓下作

人間無阿童猶唱水中龍白草侵烟死秋藜  
遶地紅古書平黑石神劍斷青銅耕勢魚鱗  
起墳科馬鬣封菊花垂濕露棘逕臥乾蓬松  
栢愁香澁南原幾夜風

客遊

悲滿千里心日暖南山石不謁承明廬老作  
平原客四時別家廟三年去鄉國旅歌屢彈  
鋏歸問時裂帛

崇義里滯雨

落莫誰家子來感長安秋壯年抱羈恨夢泣  
生白頭瘦馬秣敗草雨洙飄寒溝南宮古簾



暗濕景傳籤籌家山遠千里雲脚天東頭憂  
眠枕劔匣客帳夢封侯

馮小憐

灣頭見小憐請上琵琶絃破得東風恨今朝  
直幾錢裙垂竹葉帶髮濕杏花烟玉冷紅絲  
重齊宮妾駕鞍

贈陳商

長安有男兒二十心已朽楞伽堆案前辭楚

繫肘後人生有窮拙日暮聊飲酒祇今道已  
塞何必須白首淒淒陳述聖披褐鉏俎豆學  
為堯舜文時人責衰偶柴門車轍凍日下榆  
影瘦黃昏訪我來苦節青陽皺太華五千仞  
劈地抽森秀旁古無寸尋一上憂牛斗公卿  
縱不言寧能鑠吾口李生師太華大坐看白  
晝逢霜作樸檟得氣為春柳禮節乃相去顛  
顛如芻狗風雪直齋壇墨組貫銅綬臣妾氣

態間唯欲承箕帚  
天眼何時開古劍  
庸一吼  
釣魚詩

秋水釣紅藥  
仙人待素書  
菱絲縈獨繭  
菰米蟄雙魚  
斜竹垂清沼  
長綸貫碧虛  
餌懸春蜥  
蟬鈎墜小蟾  
蜍詹子情無限  
龍陽恨有餘  
為看烟浦上  
楚女淚沾裾

奉和二兄罷使遣馬歸延州

空留三尺劍  
不用一丸泥  
馬向沙場去  
人歸

故國來笛愁翻隴  
水酒喜瀝春灰  
錦帶休驚鴈  
羅衣尚鬪鷄  
還吳已渺渺  
入郢莫淒淒  
自是桃李樹  
何畏不成蹊

答贈

本是張公子  
曾名萼綠華  
沉香燠小像  
楊柳伴啼鴉  
露重金泥冷  
盃闌玉樹斜  
琴堂沽酒客  
新買後園花

題趙生壁



大婦燃竹根中婦春玉屑冬暖拾松枝日烟  
生蒙滅木蘚青桐老石泉水聲發曝背臥東  
亭桃花滿飢骨

感春

日暖自蕭條花悲比郭騷榆穿菜子眼柳斷  
舞兒腰上幕迎神燕飛絲送百勞胡琴今日  
恨急語向檀槽

仙人

彈琴石壁上翻翻一仙人手執白鸞尾夜掃  
南山雲鹿飲寒澗下魚歸清海濱當時漢武  
帝書報桃花春

河陽歌

染羅衣秋藍難著色不是無心人為作臺印  
客花燒中渾城顏郎身已老惜許兩少年抽  
心似春草今日見銀牌今夜鳴玉燕牛頭高  
一尺隔坐應相見月從東方來酒從東方轉



舫船飫口紅蜜炬千枝爛

花遊曲 并序

寒食日諸王妓遊賀入座因採梁簡文詩  
調賦花遊曲與妓彈唱

春柳南陌態冷花寒露姿今朝醉城外拂鏡  
濃掃眉烟濕愁車重紅油覆畫衣舞裙香不  
暖酒色上來遲

春晝

朱城報春更漏轉光風催蘭吹小殿草細堪  
梳柳長如練卷衣秦帝掃粉趙燕日含畫幕  
蜂上羅薦平陽花塢河陽花縣越婦楮機吳  
蠶作繭菱汀繫帶荷塘倚扇江南有情塞北  
無限

安樂宮

深井桐烏起尚復牽情水未盥邵陵瓜瓠中  
弄長翠新城安樂宮宮如鳳凰翅歌迴蠟板



鳴左悵提壺使綠繁悲水曲茱萸別秋子

蝴蝶飛

楊花撲帳春雲熱龜甲屏風醉眼顯東家蝴蝶西家飛白騎少年今日歸

梁公子

風彩出蕭家本是菖蒲花南塘蓮子熟洗馬走江涯御牋銀洙冷長簾鳳窠斜種柳營中暗題書賜館娃

牡丹種曲

蓮枝未長秦蘅老走馬馱金斲春草水灌香泥却月盆一夜綠房迎白曉美人醉語園中烟晚華已散蝶又闌梁王老去羅衣在拂袖風吹蜀國絃歸霞帔拖蜀帳昏媽紅落粉罷承恩檀郎謝女眠何處樓庭月明燕夜語

後園鑿井

井上轆轤牀上轉水聲繁絃聲淺情若何荀



奉倩城頭日長向城頭住一自作千年不須  
流下去

開愁歌

秋風吹地百草乾華容碧影生曉寒我當二  
十不得意一心愁謝如枯蘭衣如飛鶉馬如  
狗臨岐繫劍生銅吼旗亭下馬解秋衣請貰  
宜陽一壺酒壺中喚天雲不開白晝萬里閑  
妻迷主人勸我養心骨莫受俗物相填貳

秦宮詩

并序

漢人秦宮將軍梁冀之嬖奴也秦宮得寵  
內舍故以驕名大譟於人予撫舊而作長  
辭以為子都之事相為對望又云昔有之  
詩

越羅衫袂迎春風玉刻麒麟腰帶紅樓頭曲  
宴仙人語帳底吹笙香霧濃人間酒煖春茫  
茫花枝入簾白日長飛牕複道傳籌飲十夜



李長吉詩八三卷  
十一  
銅盤膩燭黃禿衿小袖調鸚鵡紫繡麻霞踏  
哮虎斫桂燒金待晚筵白鹿清酥夜半煮桐  
英永巷騎新馬內屋深屏生色畫開門爛用  
水衝錢卷起黃河向身瀉皇天厄運猶曾裂  
秦宮一生花裡活鸞篋奪得不還人醉睡麝  
能滿堂月

古鄴城童子謠効王粲刺曹操

鄴城中暮塵起探黑丸斫文吏棘為鞭虎為

馬團團走鄴城下切玉劍射日弓獻何人奉  
相公扶轂來關右兒香掃塗相公歸

楊生青花紫石硯歌

端州石工巧如神踏天磨刀割紫雲傭利抱  
水含滿唇暗灑長弘冷血痕紗帷晝暖墨花  
春輕漚漂沫松麝薰乾膩薄重立脚勻數寸  
光秋無日昏圓毫促點聲靜新孔硯寬頑何  
足云



房中思

新桂如蛾眉秋風吹小綠行輪出門去玉鸞  
聲斷續月軒下風露曉庭自幽澁誰能事貞  
素臥聽沙雞泣

石城曉

月落大堤上女垣棲鳥起細露濕團紅寒香  
解夜醉女牛渡天河柳烟滿城曲上客留斷  
纓殘蛾鬪雙綠春帳依微蟬翼羅橫茵突金

隱体花帳前輕絮鶴毛起欲說春心無所似  
苦晝短

飛光飛光勸尔一杯酒吾不識青天高黃地  
厚唯見月寒日暖來煎人壽食熊則肥食蛙  
則瘦神君何在太一安有天東有若木下置  
銜燭龍吾將斬龍足嚼龍肉使之朝不得回  
夜不得伏自然老者不死少者不哭何為餌  
黃金吞白玉誰似任公子雲中騎白驢劉徹



茂陵多滯骨羸政梓棺費鮑魚

章和二年中

雲蕭蕭風拂拂麥芒如篲黍如粟關中父老  
百領襦關東吏人乏詬租健犢春耕土膏黑  
菖蒲叢叢沿水脉殷勤為我下田租百錢攜  
償絲桐客遊春漫光塢花白野林散香神降  
席拜神得壽獻天子七星貫斷垣娥死

春歸昌谷

束髮方讀書謀身苦不早終軍未乘傳顏子  
鬚先老天網信崇大矯士常騷騷逸目駢甘  
華羈心如荼蓼早雲二三月岑岫相顛倒誰  
揭頰玉盤東方發紅照春熟張鶴蓋兔目官  
槐小思焦面如病嘗膽腸似絞京國心爛漫  
夜夢歸家少發軔東門外天地皆浩浩青樹  
驪山頭花風滿秦道宮臺光錯落裝盡徧峰  
嶠細綠及團紅當路雜啼笑香氣下高廣鞍



馬正華耀獨乘雞樓車自覺少風調心曲語  
形影祇身馬足樂豈能脫負擔刻鶴曾無兆  
幽幽太華側老栢如建燾龍皮相排戛翠羽  
更蕩掉驅趨委憔悴眺覽強笑貌花蔓闕行  
輶穀烟暝深徼少健無所就入門愧家老聽  
講依大樹觀書臨曲沼知非出柙虎甘作葦  
霧豹韓鳥處繒繳湘儵在籠罩狹行無廓落  
壯士徒輕躁

昌谷詩

昌谷五月稻細青滿平水遙巒相壓疊頽綠  
愁墮地光潔無秋思涼曠吹浮媚竹香滿淒  
寂粉節塗生翠草髮垂恨鬢光露泣幽淚層  
圍爛洞曲芳徑老紅醉攢蟲鏤古柳蟬子鳴  
高邃大帶委黃葛紫蒲交狹涖石錢差復藉  
厚葉皆蟠膩汰沙好平白立馬印青字晚鱗  
自遨遊瘦鵠暝單跼嘹嘹濕姑聲咽源驚濺



起紆緩玉真路神娥蕙花裏苔絮紫澗礫山  
實垂頰紫小栢儼重扇肥松突丹髓鳴流走  
響韻壠秋拖光穉鶯唱閔女歌瀑懸楚練帔  
風露滿笑眼駢巖雜舒墜亂條迸石嶺細頸  
喧島恣日脚掃昏翳新雲啓華閔謐謐厭夏  
光商風道清氣高眠復玉容燒桂祀天几露  
衣夜披拂眠壇夢真粹待駕棲鸞老故宮椒  
壁圮鴻瓏數鈐響羈臣發涼思陰藤束朱鍵

龍帳著魑魅碧錦帖花檉香衾事殘貴歌塵  
蠹木在舞綵長雲似珍壤割綉段里俗祖風  
義隣凶不相杵疫病無邪祀鮐文識仁惠卯  
角知醜耻縣省司刑官戶乏詬租吏竹藪添  
墮簡石磯引鈎餌溪灣轉水帶芭蕉傾蜀紙  
岑光晃殼標孤景拂繁事泉樽陶宰酒月肩  
謝郎妓丁丁幽鍾遠矯矯單飛至霞巘殷嗟  
峨危溜聲爭次淡蛾流平碧薄月眇陰悴涼



李長吉詩 三卷 十六  
光入澗岸廓盡山中意漁童下宵網霜禽竦  
烟翅潭鏡滑蛟涎浮珠吮魚戲風桐瑶匣瑟  
螢星錦城使柳綴長縹帶篁掉短笛吹石根  
緣綠蘚芦筍抽丹漬漂旋弄天影古檜擎雲  
臂愁月薇帳紅罨雲香蔓刺芒麥平百井閑  
乘列千肆刺促成幾人好學鴟夷子

銅駝悲

落魄三月罷尋花去東家誰作送春曲洛岸

悲銅駝橋南多馬客北山饒古人客飲盃中  
酒駝悲千萬春生世莫徒勞風吹盤上燭厭  
見桃株笑銅駝夜來哭

自昌谷到洛後門

九月大野白蒼岑竦秋門寒涼十月末雪霰  
濛曉昏澹色結晝天心事真空雲道上千里  
風野竹蛇涎痕石澗凍波聲鷄叫清寒晨強  
行到東舍解馬投舊隣東家名廖者鄉曲傳



李長吉詩 三卷 十七  
姓辛杖頭非飲酒吾請造其人始欲南去楚  
又將西適秦襄王與武帝各自留青春聞道  
蘭臺上宋玉無歸魂細縹兩行字蟄蟲蠹秋  
芸為採秦臺意豈命余負薪

七月一日曉入太行山

一夕遶山秋香露溘蒙筭新橋倚雲阪候蟲  
新露撲洛南今已遠越衾誰為熟石氣何淒  
淒老莎如短鏃

秋涼詩寄正字十二兄

閉門感秋風幽姿任契闊大野生素空天地  
曠肅殺光露泣殘蕙蟲響連夜發房寒寸輝  
薄迎風絳紗折披書古芸馥恨唱華容歇百  
日不相知花光變涼節弟兄誰念慮戕翰既  
通達青袍度白馬草簡奏東闕夢中相聚笑  
覺見半牀月長思劇尋環亂憂抵覃葛

艾如張

錦襜褕繡襦強飲啄哺爾鷄隴東臥穉滿  
風雨莫信良媒隴西去齊人織網如素空張  
在野山平碧中網絲漠漠無形影誤爾觸之  
傷首紅艾葉綠花誰剪刻中歲禍機不可測  
上雲樂

飛香走紅滿天春花龍盤盤上紫雲三千宮  
女列金屋五十絃瑟海上聞天江碎碎銀沙  
路羸女機中斷煙素縫舞衣八月一日君前

舞

摩多樓子

玉塞去金人二萬四千里風吹沙作雲一時  
渡遼水天白水如練甲絲雙串斷行行莫苦  
辛城月猶殘半曉氣朔煙上赳起胡馬啼行  
人臨水別隴水長東西

猛虎行

長戈莫春強弩莫抨乳孫哺子教得猛舉



頭為城掉尾為旌東海黃公愁見夜行道逢  
騶虞牛哀不平何用尺刀壁上雷鳴泰山之  
下婦人哭聲官家有程吏不敢聽

日出行

白日下崙崑發光如舒絲徒照葵藿心不照  
遊子悲折折黃河曲日從中央轉暘谷耳曾  
聞若木眼不見奈爾鑠石胡為銷人羿彎弓  
屬矢那不中足令人不見奔詎教晨光夕昏

苦篁調嘯引

請說軒轅在時事伶倫採竹二十四伶倫採  
之自崑丘軒轅詔遣中分作十二伶倫以之  
正音律軒轅以之調元氣當時黃帝上天時  
二十三管咸相隨唯留一管人間吹無德不  
能得此管此管沉埋虞舜祠

拂舞歌詞

吳娥聲絕天空雲閑徘徊門外滿車馬亦須



生綠苔樽有烏程酒勸君千萬壽全勝漢武  
錦樓上曉望晴寒飲花露東方日不破天光  
無老時丹成作蛇乘白霧千年重化玉井土  
從蛇作土二千載吳堤綠草年年在背有八  
卦稱神仙邪鱗頑甲滑腥涎

夜坐吟

踏踏馬蹄誰見過眼看北斗直天河西風羅  
幕生翠波鉛華笑妾顰青娥為君起唱長相

思簾外嚴霜皆倒飛明星爛爛東方陸紅霞  
稍出東南涯陸郎去矣乘班騅

筮篋引

公乎公乎提壺將馬如屈平沈湘不足慕徐  
衍入海誠為愚公乎公乎牀有管席盤有魚  
此里有賢兄東隣有小姑娘畝油油黍與葫  
瓦甃濁醪蟻浮浮黍可食醪可飲公乎公乎  
其奈君被髮奔流竟何如賢兄小姑娘哭嗚嗚



巫山高

碧叢叢高插天大江翻瀾神曳烟楚魂尋夢  
風颺然曉風飛雨生苔錢瑤姬一去一千年  
丁香筇竹啼老猿古祠近月蟾枉寒椒花墜  
紅濕雲間

平城下

飢寒平城下夜夜守明月別劍無玉花海風  
斷鬢髮塞長連白空遙見漢旗紅青帳吹短

笛烟霧濕畫龍日晚在城上依稀望城下風  
吹枯蓬起城中嘶瘦馬借問築城吏去關幾  
千里惟愁裹屍歸不惜倒戈死

江南弄

江中綠霧起涼波天上疊巘紅嵯峨水風浦  
雲生老竹渚暝蒲帆如一幅鱸魚千頭酒百  
斛酒中倒臥南山綠吳歛越吟未終曲江上  
團團帖寒玉



榮華樂

鳶肩公子二十餘齒編貝唇繳朱氣如虹蜺  
飲如建瓴走馬夜歸叫嚴更徑穿複道遊椒  
房龍裘金玦雜花光玉堂調笑金樓子臺下  
戲學邯鄲倡口吟舌話稱女郎錦袪繡面漢  
帝旁得明珠十斛白壁一雙新詔垂金曳紫  
光煌煌馬如飛人如水九卿六官皆望履將  
迴日月先反掌欲作江河唯盡地峨峨虎冠

上切雲竦劍晨趨凌紫氛繡段千尋貽阜隸  
黃金百鎰貶家臣十二門前張大宅晴春煙  
起連天碧金鋪綴日雜紅光銅龍齧環似爭  
力瑤姬凝醉卧芳席海素籠窗空下隔丹穴  
取鳳充行庖饕餮如拳那足食金蟾呀呀蘭  
燭香軍裝武妓聲琅璫誰知花雨夜來過但  
見池臺春草長嘈嘈絃吹匝天開洪崖簫聲  
遶天來天長一矢貫雙虎雲駝絕騁聒旱雷



亂袖交竿管兒舞吳音綠鳥學言語能教刺  
石平紫金解送刺毛寄新兔三皇皇后七貴  
人五十校尉二將軍當時飛去逐彩雲化作  
今日京華春

相勸酒

羲和騁六轡晝夕不曾閑彈烏嶠岷竹扶馬  
蟠桃鞭蓐收旣斷翠柳青帝又造紅蘭堯舜  
至今萬萬歲數子將為傾蓋間青錢白璧買

無端丈夫快意方為懽臞鵠臞熊何足云會  
須鍾飲北海箕踞南山歌淫淫管悒悒橫波  
好送雕題金人生得意且如此何用強知元  
化心相勸酒終無輟伏願陛下鴻名終不歇  
子孫綿如石上葛來長安車駢中有梁冀舊  
宅后崇故園



李長吉詩集三卷

三十四

李長吉詩集三卷終

